

24-01-2024

**Uunnga**  
**Aalisarnermut Piniarnermullu Naalackersuisoqarfik**  
**Imaneq 1A, 701**  
**Postboks 269**  
**3900 Nuuk**  
**Uunga: APN@nanoq.gl**  
**Cc: thra@nanoq.gl; [jepa@nanoq.gl](mailto:jepa@nanoq.gl)**

**Kommunalbestyrelsip uunga tusarniaanermut akissuteqaataa;**  
**Aalisarnej pillugu Inatsisartut inatsisissaattut siunnersuut**

Kommuneqarfik Sermersuumi Kommunalbestyrelsip soqutiginneqaluni tusarniaanermi atortut misissorpai. Aammattaaq Kommunalbestyrelse ataasinngorneq januaarip 22-anni 2024 immikkut sammisaqarpoq, tassanilu Kommunalbestyrelsip kommunimi aalisarnermut piniarnermullu peqatigiiffiit, Aalisarnermut Piniarnermullu Naalackersuisoqarfik aammalu kommunimi Attaveqaasersuutitut, Avatangiisinut Aalisarnermullu immikkoortortaqarfik aalisarnej pillugu Inatsisartut inatsisissaat pillugu aggersarlugit. Immikkut sammisaqarnermi atorfillit ilaatigut >Aalisarnermut Piniarnermullu Naalackersuisoqarfimmeersut inatsisissatut siunnersuut nassuiaatigaat, tamatumalu kingornatigut kommunimi Attaveqaasersuutitut, Avatangiisinut Aalisarnermullu immikkoortortaqarfiup allaffissornikkut kingunerisinnaasat pillugit nassuiaateqarpoq (tusarniaanermi akissummut immikkut nassitutissapput). Tamanna pereermat kommunimi aalisarnermut piniarnermullu peqatigiiffiit inatsisissamat tunngatillugu namminneq isummersuutiminnik saqqummiussipput. Immikkut sammisaqarnej naggaserlugu kommunalbestyrelsimut ilaasortat akornanni saqqummiussat siuliini taaneqartut tunngavigalugit politikkikkut oqallittoqarpoq. Tusarniaanermut akissummi matumani politikkikkut oqallinneq tunngavigineqarpoq aammalu kommunalbestyrelsip ataatsimiinnerani ulloq januaarip 23-anni 2024 oqallisigeqqinneranik. Tusarniaanermut akissut Kommuneqarfik Sermersuumi Kommunalbestyrelsimut ilaasortanit tamanit tapersorneqarpoq Kommunalbestyrelsillu ulloq januaarip 23-anni 2024 ataatsimiinnerani makkutut isikkoqarneratut akuerineqarluni. Kommunalbestyrelsip inatsisissatut siunnersuummut erseqqissumik oqaaseqaatai ataani allassimapput.



Kommuneqarfik  
SERMERSOOQ  
Kuussuaq 2  
Postboks 1005  
3900 Nuuk  
Grønland  
[kommuneqarfik@sermersooq.gl](mailto:kommuneqarfik@sermersooq.gl)  
[sermersooq.gl](mailto:sermersooq.gl)  
Tlf. +299 36 74 00

Man. - ons. ....kl. 10 - 15  
Torsdag .....kl. 12 - 17  
Fredag .....kl. 10 - 12



## **Piffissami tusarniaaffiusumi peqataatinneqannginneq aammalu paasisitsiniaaffigineqannginneq aammalu tusarniaanermi atortut pillugit nassuiaanneqannginneq.**

Kommuneqarfik Sermersuumi Kommunalbestyrelsip tamarmiusup kommunimi aalisartut piniartullu peqatigiiffiisa tusarniaanermi atortut pillugit isornartorsiutaat kipiluttunartumillu pakatsisimaarnerat tapersorsorpaat. Kommunalbestyrelse isumaqarpoq piffissami tusarniaaffiusumi aalisartut piniartullu peqatigiiffiinik peqataatitsinnginneq sakkortuumik isornartorsiorneqartariaqartoq. Tamanna tunngavigalugu, Kommunalbestyrelsip naatsorsuutigaa, Naalakkersuisut aammalu Aalisarnermut Piniarnermullu Naalakkersuisoqarfiup piffissaq tusarniaaffiusoq sivitsussagaat aammalu qulakkiissagaat tusarniaanermi atortut pisariaqartut peqataatitsinikkut susassaqtut ataatsimeeqatiginerisigut ingerlateqqinneqassasut, taakkununga ilanngullugit aalisarnermut piniarnermullu peqatigiiffiit. Tusarniaanermi atortut annertuujupput oqaatsillu inatsisinut tunngasut paasiuminaatsuullutik, susassaqtunut ataasiakkaanut paasilluassallugit ajornakusoorsinnaasut. Kommunalbestyrelse isumaqarpoq, Naalakkersuisut aammalu Aalisarnermut Piniarnermullu Naalakkersuisoqarfiup pisussaaffigigaat qulakkiissallugu, susassaqtut inatsisissatut siunnersuummik kallarneqartut, inatsisissatut siunnersuummik tamanit paasiuminartumik saqqummiussiffigineqarnissaat. Tamanna pisariaqarpoq, taamaalilluni erseqqissumik allassimalissamat, kingunerisassat erseqqissut (pitsaaqutissat/ajoqutissallu) inatsisissatut siunnersuummiittut aalisarnermik suliaqartunut assigiinngitsunut, taakkununga ilanngullugu umiatsiaararsortunut, atuutissanersut. Taamaattumik kommunalbestyrelsip tamarmiusup Naalakkersuisunut aamma Aalisarnermut Piniarnermullu Naalakkersuisoqarfimmu erseqqissumik kaammattuutigissavaa, kommunimi aalisartut piniartullu peqatigiiffiisa ernumassutigisaat, isornartorsiutaat kipiluttunartumillu pakatsisimaarnerat aammalu akerliliissutaat ilungersuullugit pimoorullugillu tiguneqassasut aammalu inatsisissatut siunnersuutip suliareqqinneqarnissaanut ilanngunneqarnissaat.

## **Aalisartut piniartullu peqatigiiffiisa TAC-mik pisassiissutinillu aalajangersaanerni peqataatinneqannginneri**

Kommunalbestyrelse isumaqarpoq, najukkami aalisartut piniartullu TAC-mik aammalu piniakkanik sunilluunniit pisassiissutinik aalajangersaanerni peqataatinneqarnissaat pingaarutilerujussuusoq. Taamaattumik inatsisissatut siunnersuummi erseqqilluinnartumik allassimasariaqarpoq, TAC-mik aammalu piniakkanik sunilluunniit pisassiissutinik aalajangersaanerit ilisimatuussutsikkut siunnersuineq aammalu najukkami aalisartut piniartullu peqatigiiffiinik peqataatitsinermik tunngaveqarnissaat, pingaartumik sinerissap qanittuani aalisartut eqqarsaatigalugit.



### **Inatsisissatut siunnersuummi sinerissap qanittuani avataasiorlunilu aalisarnermi malittarisassat pitsaanerusemimmikkooortinneqarnissaat**

Kommunalbestyrelse isumaqarpoq, inatsisissatut siunnersuummi aalajangersakkat ukununnga tunngasut sinerissap qanittuani aalisartunut aammalu avataasiorluni aalisartunut tunngasut avinneqarsinnaasut pitsaanerusemillu immikkooortillugit. Inatsisissatut siunnersuummi saqqummiunneqartumi, ilaatigut ajornakusoorsinnaavoq immikkooortissallugu, aalajangersakkat sorliit sinerissap qanittuani aalisarnermut atuutissanersut aammalu aalajangersakkat sorliit avataasiorluni aalisarnermut atuutissanersut. Taamaattumik inatsisissatut siunnersuut aggulunneqartariaqarpoq pitsaanerusemillu immikkooortiterlugu, taamaalilluni paasiuminarnerussammat malinnaaffigiuminarnerulissallunilu, aalajangersakkat sorliit sinerissap qanittuani aalisarnermut atuutissanersut aammalu aalajangersakkat sorliit avataasiorluni aalisarnermut atuutissanersut.

### **Sinerissap qanittuani aalisarneq pillugu nassuiaatip allannguutigisinnaasaa**

Kommunalbestyrelse isumaqarpoq, Naalakkersuisut aammalu Aalisarnermut Piniarnermullu Naalakkersuisoqarfiup najukkani aalisarnermut piniarnermullu peqatigiiffiit suleqatigalugit qulaajartariaqaraat sinerissap qanittuani aalisarneq pillugu nassuiaat qanoq allannguuteqartinneqassanersoq imatut allassimaneraniit; "sinerissap aamma aalisarnikkut oqartussaaffigineqartup tunngaviusumik killeqarfiup avataani 3 sømilimi titartarnerup akornanni aalisarneq ingerlanneqartoq;" imaalillugu; "sinerissap aamma aalisarnikkut oqartussaaffigineqartup tunngaviusumik killeqarfiup avataani 12 sømilimi titartarnerup akornanni aalisarneq ingerlanneqartoq". Nassuiaataata allannguuteqarnera inuiaqatigiinnut aammalu sinerissap qanittuani aalisartunut iluaqutaasussatut isumaqarfigineqarpat, nassuiaataa allannguuteqartinneqartoq inatsisissatut siunnersuummut ilanngullugu allanneqartariaqarpoq.

### **Pisanik minnerpaamik tulaassisussaataa nermit akigitat**

Kommunalbestyrelse isumaqarpoq, sinerissamut qanittumi aalisartut pitsaanerusemimmikkooortillugit inatsisissatut siunnersuummi aalajangersagaliornikkut ukununnga tunngatillugu minnerpaamik akigitat pisanut tulaassisussaataa affiusunut. Minnerpaami tulaassinermi akigitat aalajangersarneqassapput/isumaqatiginninniutigineqassapput najukkami aalisartut piniartullu peqatigiiffiisa isumasiornerisigut.

### **Nutaatut aalisartunngortut periarfissaat pillugit amigartumik aalajangersaanerit**

Kommunalbestyrelse isumaqarpoq, pingaaruteqartorujussuusoq nunaqavissut nutaatut ingerlatsilersut isumannaarneqartariaqartut. Nutaatut ingerlatsilersut soorlu assersuutigalugu angut/arnaq inuusuttoq,



sinerissap qanittuani umiatsiaararsorluni aalisartunngornissaminik  
kissaateqartoq. Matumani inatsisissatut siunnersuummi  
inuussutissarsiummi erseqqissunik aalajangersaasoqarnissaa  
amigaatigineqarpoq, taakkunani allassimassallutik nutaatut  
ingerlatsilersut aalisarnerup iluani periarfissaat.

Suliassaqarfimmi Kommunalbestyrelse kommunimi aalisartut piniartullu  
nunaqavissut peqatigiiffiisa tusarniaanermut akissutaannut tunngasumik  
innersuussivoq. Kommunalbestyrelse aamma Kommuneqarfik  
Sermersooq Naalakkersuisut aammalu Aalisarnermut Piniarnermullu  
Naalakkersuisoqarfik peqatigalugit inatsisissatut siunnersuummik  
suliaqarnerup ingerlateqqinneqarnerani suleqatiginnikkusupput.

Inussiarnersumik inuulluaqqusilluta  
Kommuneqarfik Sermersuumi kommunalbestyrelse

